

է. — բոլորն ալ կուլան . . . : Ենուն մի կհրատարակուի որպէս երբեմն ուսումնարանի մէջ. այդ անունն՝ Ժան Ա. Կեօյին էր:

Բայց պատանին արդէն եղել էր կատարեալ այր: — Պսակը, որ կզարգարէր նորա ճակատը, նոր կենաց մէջ մտած ժամանակը . . . փոխուեցաւ ազնիւ քաղաքացւոյ պսակի:

Նա կելնէ ամբիոնի վերայ . . . կըսուի ծափահարութիւն . . . : Բայց նա անասարբերութեամբ կըսէ այդ հասարակաց գովասանական բոլոր բեմբասացութիւնը, նա կորոնէ մէկուն, նորա աչքերը դէպ ի դահլիճի անկիւնը ուղղուած՝ կնկատէին խեղճ և այն որ կնոջ մի, որ հազիւ հազ կարողանար կենալ սօսից վերայ, որոյ թոյլ ուժը կենդանացած էր միայն իւր առնազելի որդին ունեցած սրբազան սիրովը, — նա իւր դողդոջուն ձեռքերը երկնցուցած դէպ ի որդին կզրուցէ առաջուան պէս,

— Եստու՞ծ օրհնէ զքեզ . . . իմ բարի որդիս . . . քեզմով միայն երջանիկ էր իմ կեանքս:

Թարգ. է Ռ. Կերէնէ  
1910 ՄԱ Մ. ՄԱՆԴԱԿՈՒՆԻ.

Ի Գրէք-Գրէ-Գրէ:

## ԱԶԳԱՅԻՆ

ԿՈՆԴԱԿ: — ՀԻՄՆԱԿՈՆ ԵՐԱԳԻՐ: — ԸՐԱՀԱՆԳ: — ՅՈՒՅԱԿ  
ԱՆԱԿԵՐՏԱՅ: — ԴԱՐՁԵԱԼ ԿՈՆԴԱԿ:

Ինչպէս որ անցեալ Եմսագրի մէջ խոստացուեցաւ, ահա առիկ ներկայ Թուոյս մէջ՝ Ա. Ե. Հայրապետի՝ Ղեմարանի բացման ժամանակը ծանուցանելոյ և աշակերտները պահանջելոյ համար ի վիճակս

ուղղած Պոնդակին՝ Ղեմարանի Հիմնական Ծրագրին, պահանջեալ աշակերտաց համար կարևոր եղած Հրահանգին, աշակերտ պահանջուած տեղեաց և կողմանց ցուցակին, ևս ի վիճակս խրկուած երեք հաւաքիչ Արդապետաց ի ձեռս նուիրահաւաքութեան համար յանձնուած տումարին ի ճակատ եղած Պոնդակին կարևոր պարբերութեանց պատճէնները, կրութամք հրատարակել ի գիտութիւն և ի տեղեկութիւն համայն սիրելի եզրարց մերոց:

— Նաև տոտ աւելորդ չէ յիշել, որ հիմնական Ծրագրին մէջ նշանակեալ երկու լիզուոց և երկու առարկայից դասաւանդութիւնքը առայժմ պարտաւորիչ չեն Ղեմարանի առաջին շրջանի մէջ: —

### Ե. հաւաստիկ Պոնդակը

“ . . . Գ. Ի՛ եթէ ազգային բանասէր ոք առ սեր ծանօթութեան ընդ նախասկիզբն հեղինակաց մտաւոր և բարոյական զարգացման Հայազնեայ եզրարց իւրոց ուշի ուշով յակն արկանիցէ զգիրս պատմութեան իւրոց նախահարց՝ անդախն յօրէ ծագման ի մեզ Քրիստոնէական հաւատոյ կենսագործ լուսոյ վարդապետութեան, կամ եթէ կամիցի ոք զոյդ ընդ հետաքննութեանս ընդ այսմիկ ի միտ առնուլ միանգամայն զընթացս ուսումնական դաստիարակութեան Ազգիս յայլ և այլ շրջանս քաղաքական կենաց նորա՛ խալամուտ լինելոյ աղաղաւ՝ թէ ո՞ւմ ումէք պարտ իցէ ի նախնեաց շնորհապարտ զանձն խոստովանել վասն մշակութեան և անկորուստ պահպանութեան հայացի բարբառոյ և գարբութեան, ապաքէն յայն-

պիսուրն աչաց տեսութենէ չկարեն խուսափել մեծամեծ երախտիք եկեղեցակահանացն դասու, որոց ոչ միայն ընդ կատարելագործութիւն զեղեցկայարմար գրոց օպիական լեզուիս պարտական եմք, այլ և նոցայն ուսումնական շնորհաց արդիւնք լինելով Տամուրէն ամենայն պատմական և Աստուածաբանական մասննագրութեանց մերոց նշխարք, յորոց սակաւք քան զբազումս դժբախտաբար զերծեալ հասեալ են առ մեզ՝ ի պատճառս յոգնատեսակ արկածից անցելոց ժամանակոց, անշուշտ եթէ բանասէրն այն և եթէ ամենեքեանքս առհաստիակ պարտիմք եկեղեցականացն մերոց արիաջան վաստակոց վերագրել զսկզբնական պատճառս մտաւոր և բարոյական զարգացման Ազգիս մերոյ, և ըզնոսս խոստովանել իմաստուն խնամակալս Աղուի և Արօնի ընդ ամենայն ժամանակս պատմական և քաղաքական կենաց մերոց:

Իսկ արդ՝ քանզի եկեղեցականք յաւէտ գուն զործեալ են ի հնումն յառաջադիմութեան ազգային դաստիարակութեան, և ըստ հոգևոր նշանակութեան իւրեանց՝ փրկարար ազդեցութիւնն այն բարոյապէս ներգործելոյ ի բարօրութիւն ժողովրդեան կատարելապէս յաջողեալէ նոցա, ապա ուրեմն անհրաժեշտ հարկ ի վերայ մեր կայ հսկել յարաժամ ի վերայ վայելուչ դաստիարակութեան նոցին իսկ եկեղեցականաց. զի մի՛ յանգունդս ազխութեան զառածանիցեն, և յայն քարշեցեն ընդ իւրեանս և զլրութիւն Ազգիս, այր դաստիարակութիւն և պահպանութիւն՝ յիտ բաւնալոյ քաղաքական կենաց մերոց՝ դարձեալ նոցայն հաւատացեալ է տեսչութեան:

Յաւիմք ասել, բայց ի հարկէ իրացն ստիպեալ մեծաձայն խոստովանիմք թէ՛ արդարեւ ի յետին ժամանակս ընդ պահասել ուսումնասէր բարոյից եկեղեցականաց մերոց՝ կարճեցաւ նաև Ազգիս մերոյ յառաջադիմութիւն յուսմունս գիտութեանց, և քանզի եկեղեցականք մեր յետեալք գտանին և զերկք ընդհանրապէս ի պէսպէս հոգևոր և բարոյական կատարելութեանց առաջնոցն եկեղեցականաց, անձանօթք կենցաղօգուտ ուսմանց և լեզուագիտութեանց, ուստի չեն ինչ զարմանք՝ զի և ազգն մեր տակաւին ի ազխութեան թարթափի ըստ օրինակի հոգևոր դաստիարակաց իւրոց և Առաջնորդաց:

Ի գէպ գայ մեզ աստանօր ի մէջ բերել զստուգագոյն բանս խորհրդածութեանց միոյ ուրուք երանաշնորհ հարց Արքայ Ակեղեցւոյ՝ գեղեցիկ իմն յարմարեալս նաև արդեան վիճակի մերայնոցն ազխութեան թէ՛ « Ասան զի եղև քահանայն իբրև զմի ժողովրդինէն, վասն զի կրօնաւորք քաղաքականաց վարուք վարին, վասն զի ոչ զանազանին ի միմեանց վանականք և աշխարհականք, այլ ամենեքեան խոտորեցաք, ի միասին անպիտանացաք, խըստացուցաք զպարանոց մեր և ոչ խոնարհեցաք, ստունգանեցաք պատուիրանի Տեառն և ոչ զզջացաք, այլ դարձաք սրտիւք մերովք յԱզգիպոսս », այլովքն հանդերձ:

Վմինիրի միք հարկ համարիմք հաստատուն իմն եղանակաւ բունն հարկանել զառաջինն զհոգևոր դաստիարակութենէ եկեղեցականաց մերոց, յորոց դարձեալ պարտ է ակն ունել ի ժամանակին յա-

առջագիտութեան Ազգիս ի կարևոր ուսմունս աւատոյ և լեզուի: Իսկ առ այն թէ՛ ի ձմեռնացեալ ժամանակիս քանի՞օն կարևոր է մեզ ունել զուսումնական հովիւս և մշակս ի պայծառութիւն Արբոյ Ակեղեցւոյ՝ չեն ինչ պէտք երկարաբան տպացուցութեանց, իբրև զի նուազութիւն բարեպաշտութեան և Աստուածապաշտութեան ի միջի Ազգայնոցս, բազմադիմի մեղանչանք ընդդէմ Աստուածադիր պարտուց Վրիստոնէական սուրբ հաւատոյ, յաճախմունք նորանոր որոգայթից ի սարտուցանել զպարզամիտս և զղիւրահաւանս ի հաւատոյն հաստատութենէ, անշքութիւն եկեղեցեաց և վանորէից, բազմութիւնք պէսպէս կորստական ախտից և մոլութեանց, միթէ չիցն՞ այտքիկ ակնյայտնի տպացոյցք անփութութեան՝ և որ մեծն է՝ անգիտութեան եկեղեցականաց և աշխարհականաց առհասարակ պարտուց իւրեանց, և հեռանք սահեալ գորոյ իւրաքանչիւրոցն ևս դասուց յանդունդս ազիտութեան:

«Աչ կամիմ եթէ տգէտք իցէք, եղբարք,», զոչէ աւագափող ազդարար փողն առաքելական, և զնոյն հնչեցուցանեն ի լսելիս մեր իմաստասէր Հարբ Արբոյ Ակեղեցւոյս Հայոց բազմակերպ բանիւք և օրինակօք: «Ծաներո՛ւք, ասէ մեծագործ Հայրապետն Ակեղեցւոյ մերոյ Սահակ Պարթև, զի որպէս կուրուծիւն աչաց ատելի է մարմնոյն, նոյնպէս և ազիտութիւն ոգւոյ ատելի է Աստուծոյ, մանաւանդ քահանայից,»: Աւ եթէ առ ժողովուրդն և առ քահանայս այսչափ, որչափ առաւել խոտազոյն պարտին ըննել պահանջք դիտութեան ի վարդապետաց,

յիպիսկուպոսաց և յամենից անձանց առհասարակ՝ որոց ուխտեալ իցէ ի կոչումն մտեալ կուսակրօնութեան՝ և աւանդագահ լինել յաւէտ վարդապետութեանց Ակեղեցւոյ:

Օմտաւ ածելով մեր զայս ամենայն՝ և տեսեալ զի չի՛ք այլ իմն յարմարագոյն ճանապարհ ելից ի ազիտութեան խորխորատէն, յոր կործանեալքս եմք վասն մերոյ իսկ անուսումնասէր բարոյից, բայց զի բանալ հեազհետէ ըստ օրինակի այլոց ազգաց զՎարոցս լուսաւորութեան, վասն որոյ յորմէ հետէ ամբարձաք ի գերագահ Աթոռս Արբոյ Հօրն մերոյ Վրիգորի Սեծի Պարթևի, անձանձրոյթ իմն սիրով՝ ձեռն արկաք ի բացումն Հոգևոր Վարանոցաց ի վանորայս և դպրոցաց առ իւրաքանչիւր եկեղեցեալ ըստ քաղաքաց քաղաքաց և զիւզօրէից ի բազում տեղիս Հայաստան պշեարհիս, փոյթ ի մէջ կալաք ի տեղիս տեղիս հաստատութեան թանկական Վարանոցաց, և ըստ մերովսանն կարի ջանագիր եղաք ի բարեկարգ պոյման կառավարութեան զարդէն եղեալսն վերածելոյ, որոյ վասն զկարևոր կանոնս և զկանոնադրութիւնս տպագրութեամբ հրատարակելոյ չգտաք յանհոգս՝ առաջի աչաց ունելով զօգուան սիրեցեալ Ազգիս և եկեղեցւոյ:

Իայց այսու ամենայնիւ միթէ ունիցիմք իրաւունս ասելոյ զազգային Վարոցաց մերոց՝ եթէ չունին նոքին այլ ևս կարօտութիւն պէսպէս բարեկարգութեանց, ապաքէն ոչ, այլ մանաւանդ պարտիմք խոստովանել թէ՛ սիրախնամ հոգատարութիւնք մեր գնոցայն յառաջագիտութենէ՝ յերևան հաննն զայլ բազմ

մատեսակ անհրաժեշտ պիտոյս, որոց կատարման պարտ է մեզ փոյթ ունել յարածամ՝ եթէ կամիցիմք հաստահիմն կացուցանել զյարատեակ գոյութիւն նոցին այժմ և յապագային:

Ք նորհ մեծ ունիմք զսիրեցեալ Ազգէս մերմէ՛ զի ի կարևոր դէպս յօգն մեզ հասանէ նիւթական ձեռնտուութեամբ իւրով ի լրումն բարեսէր նպատակաց մերոց, և ի նոցայն աջակցութիւն յամենայնի զյոյս մեր բեւեռեալ զործեմք յաւէտ՝ զոր զործեմքս և զորս մինչև ցայսօր զործեցաք:

Աւանիկ տեսեալ մեր զանհրաժեշտ իմն կարևորութիւն բարձրագոյն ուսմանց Կայրանոցի իրիք, զորոյ զկառուցումն կարևոր ծանուցեալ և մերոցն նախորդաց՝ անգիտանամք թէ է՞ր սակս ձեռնթափ յետոյ լեալ է նոցա յիրագործութենէն, իսկ մեր յուսացեալ բոլորովն յԱստուած, յաջողեցաք վերջապէս յաւարտ ածել այսօր զհոյակապ շինութիւնն զայն, զոր և կազմեցաք Ղեմարան Ժառանգաւորաց Արքայ Էջմիածնի, ի մտի եզեալ գատրաստել ի նմա զարժանաւոր կուսակրօն եկեղեցականս:

Յաւելորդացն սակի համարիմք աստէն յիշատակել զայն ամենայն բազմատեսակ գծուարութիւնս և զբարոյական ինչ ինչ արգելադիթ հանգամանս՝ զորոց զէպ և զիւ մեզ զգիմք հարկանել մինչև յաջողեցաւ զախճանական կառուցումն Ղեմարանիս, բայց ոչ նոյնպէս լուութեամբ իտրեմք անցանել զյիշատակութենէ պարտաւորութեանց, զոր ունի Ղեմարանս մեր առ Ազգս, և փոխադարձաբար հարկ ի վերայ ազգայնոց ից ունել առ Ղեմարան:

Ըստ որում որպէս Աթոռս Արարատեան համազգային համարի, նոյնպէս և Ղեմարանս նորակառոյց իրրև ազգային ընդհանուր սեփականութիւն և աղբիւր դաստիարակութեան համարի ընդհանուր եկեղեցականութեան Ազգիս:

Իսկ արդ՝ որպէս ի վեր անդր կանխեցաք ասել, զյիսաւոր նպատակ Ղեմարանիս է՝ ընծայել լրութեան Ազգիս զկուսակրօն եկեղեցականս, բայց զայնպիսին ոմանս՝ որք զարդարեալք բարձրագոյն ուսմամբ կրօնական դիտելեաց և կարևորացն աշխարհականաց լեզուաց և զիտուութեանց, կրթիցին և զարդանայցն ամենայն Աստուածահաճոյ վարուք և հաւատոյ վայելչութեամբք լցեալք՝ պատրաստեալք և ամեթացեալք՝ և յաւարտ ուսմանցն ելանիցեն ի հանդէս Ազգային հոգևոր դաստիարակութեան առ ի սերմանել և տարածել առատօրէն զճճմարիտ վարդապետութիւնս Հայրազնան Աստուածատուրս Արօնի և դաւանութեան եկեղեցւոյ Հայաստանեայց, արմատաքի քանցելով հանելով յազգային անդաստանէ զորոմունս նորահար եկամուտ վրնասակար ժողութեանց և սովորութեանց, առ ի բանալ հետզհետէ զազգային դրօշուրոցս և յաւելուլ յԱզգիս մերում զթիւ հոգևոր դաստիարակաց, բանիրուն քարոզաց, քաղցրուսոյց վարդապետաց, բարեսէր զպրապետաց, արխասիրտ հովուաց, մեծարգոյ իմաստասիրաց, համառօտ ասել՝ ի բարեսպաշտ վարս կրթեալ և կարևոր ուսմամբք պերճացեալ եկեղեցականաց և ուսուցիչ վարժապետաց:

Այսքիկ ահա լինելոց նն պարտք աշակերտելոցն ի Ղեմարանիս առ սիրև

ցեալ Ազգս մեր, որ յիւրմէ կողմանէ համարելով զՂեմարանս զայս իրրե զնորարորդ զամբողջ շողկապ կրօնական և ազգային միութեան իւրոյ ընդ Արբոյ Աթոռոյս Աջմիածնի՝ պարտի անտարակոյս չլինել անտարբեր յառաջադիմութեան սորին, այլ մանաւանդ արժանի առնել զսա սիրալիր համակրութեան իւրոյ և ի կարեօր դէպս պարտ և պատշաճն ձեռնառութեան, հայել յայս քաղցրագութ աչօք խնամակարութեան որպէս ի ծառ ինչ նորատունկ՝ կենդանացուցիչ զօրութեան ազգային հոգեւոր դաստիարակութեան և լցուցիչ պիտոյից Ազգի և Ազգիկեցոյ, ուստի պահպանել զայն ի խորշակահարութեան և յայոց վնասաբեր արկածից, հեղով ի նա՝ ըստ պահանջման հարկին՝ առատահոս փոսիօք ազգասիրութեան զտուրս կամաւոր օժանդակութեան և խնամոց, որպէս զի սազարթապատեալ և պողալից ուսմացեալ հաստարմատ ծաղկեցի յաւէտ ի փոքութեան հայկական անդաստանիս մերում:

Յուսարով թէ փոքր ի շատէ բաւեցաք զդացուցանել սիրելեացդ խնոց զընդհանուր նպատակ Ղեմարանիս և զփոխադարձ պարտս միմեանց՝ Ազգիս և Ղեմարանի, պարտ համարիմք յաւելուլ և զայս մի ինչ՝ թէ աջակցութիւն եկեղեցականաց և աշխարհականաց ի կատարումն բարեաէր նպատակի իրեր լիալ է յաւէտ յորդառատ ազբիւր յառաջադիմութեան, և զնորին հակառակն՝ սրոշումն ի միմեանց երկոցունցս յազգային և յընդհանրաշահ խնդիրս՝ տեղի տուեալ է հանապաղ պէսպէս տարածայնութեանց, երկպառակութեանց և յիտամնացութեանց:

Արդ՝ կամելով մեր իրադործել զյառաջադրեալս զայս նպատակ ի բացումն հոգեւոր Ղեմարանիս յառաջիկայ ամսեանն Արեւմտեմբերի անպատճառ, թէպէտ ցաւ է մեզ զի ըստ կանխադեկոյց պատուիրանաց մերոց չեն այնպէս արդիւնաւորեալք թեմական, Անական, և Ալիճակային զպրոցք, որք պարտէին լինել իրրե նախակրթարանք Ղեմարանիս, այլ քանզի ժամանակն թանկագին սահի անդադար և կորուստ նորին վնասաբեր լինի յառաջադիմութեան եկեղեցոյ շայոց, ուստի ընտրեցաք զմիջին իմն ճանապարհ, որով յաջողեցի մեզ ապաքէն պսակել զնպատակն ազգօգուտ՝ թէ և այն ևս ոչ առանց թեթեւ ծախուց և սակաւ դժուարութեանց, այն է որոշեցաք յատկապէս առաքել աստի . . . . .

Արդապէտ, որպէս զի սա որոշեցէ յընտրելոցն զարժանաւորսն ըստ շրահանգիս և առաքեցէ այսր ի Սուրբ Աջմիածին, նա և զիտակ արասցէ զազգայինս մեր ներքին տնտեսական կառավարութեան Ղեմարանի. քանզի չկարեմք ծածկել բնաւ ի հասարակաց զիտութենէ զայն ամենայն՝ որ ինչ վերաբերի ի յարատուութիւն սորին, այլ մանաւանդ հրաւրեմք զիւրաքանչիւր անհատ ազգային ձեռնառու լինել մեզ ըստ կարեաց յայսմիկ ընդհանրաշահ զօրծոյս եթէ խորհրդով բանից և եթէ այլ կարեօր միջոցք բարեգործութեան:

Քանզի գտան յազգայինս մեր բարեմիտ անձինք, որք ցանկալով նպատակ յառաջադիմութեան Ղեմարանիս՝ նստականով իւրեանց խնդրեցին ի մէջ տեղիութիւն զտեսակաց օժանդակութեան:

Մեք զչափ և զտեսակ օժանդակութեանց թողեալ եմք ի կամս նուիրատուին, և հարկ համարիմք ծանուցանել, զի ամենայն ծախք ուսմանց և սննդեան Դասնաբաւորաց ճեմարանիս լինելոց են ի Գանձարանէ Արքայ Աթոռոյս. միայն եթէ ցանկանայցէ ոք ընդունել յիւր վերայ ազգասիրաբար զծախս միոյ ուրուք ժառանգաւորի, այնպիսին ամի ամի պարտի հատուցանել ի զին որդեգրութեան ըուրջիս արծաթոյ 300՝ կամ յինքննէ ուղղակի և կամ ընդ ձեռն տեղական Առաջնորդաց հատուցանելով զայն ի Գանձարան Արքայ Աթոռոյս, իսկ զընտրութիւն որդեգրին վերապահեմք մեզ և թեմական Առաջնորդացն մերոց նկատողութեան: Շնորհակալու մտօք յայտ առնեմք և զայն՝ զի եղեն նա և այնպիսի բարերարք, որք ի յաւերժական յիշատակ անուանց իւրեանց և բարեգործութեանց առատաձեռնեցին ի Գանձարան Արքայ Աթոռոյս զպանքական տոմսակս և զմշտնջենաւոր դրամադուխս, զորս մտադիր եմք հետզհետէ տպագրութեամբ ի լոյս ընծայել, իսկ զանուանս նոցին արձանագրեցաք այժմէն ի յիշատակարանս ազգասէր բարերարաց Արքայ Աթոռոյս և նորակառոյց ճեմարանիս:

Ախայոյս գոլով՝ զի սիրեցեալ որդիք մեր համայն և ազգս Հայոց ուրախութեամբ սրտի պատրաստ է ընդունել և սիրալիր համակրութեամբ պսակել զընդհանրաշահ ձեռնարկս մեր՝ յամենայն լեալ մեզ աջակից և խորհրդատու՝ վառեալ սիրով միութեան ընդ բազմադարեան կեղրոն լուսածին հաւատոյ իւրոյ և կրօնի աւանդելոյ մեզ ի սրբազան Առաքե-

լոցն մերոց Թադէոսէ և Բարդուղիմեայ և յառաքելասարաս առնէն Աստուծոյ ի սրբոյն Գրիգորէ, Պարթևէ, խնդրեմք ի ձէնջ՝ սիրեցեալ որդեակք իմ, զի ուր ուրեք և դասնիջիք վտարեալ ըստ մարմնոյ բերմամբ արկածից ժամանակաց՝ ըստ հոգւոց ձերոց ջերմեռանդութեան փութասջիք միաբանել սերտ սրտիւ և անլուծանելի շաղկապաւ միութեան ընդ Մօրս հասարակաց սրբոյ Էջմիածնի, ոչ դարձուցանելով բնաւ զաչս մտաց ձերոց ի հոգեորաց աստի դանձուց փրկութեան և դաստիարակութեան: Իսկ մեք այսու Հայրապետական Առնդակաւ մերով մագթեմք յամենառատ Բարձրելոյն շնորհել Ձեզ և Մեզ զօրութիւն և զյաջողութիւն միաբանական սիրով շահատակելոյ ի յառաջադիմութիւն ընդհանրութեան ազգիս և մերս այս ճեմարանի, զոր վահանափակ արարեալ սիրոյ մերոյ առաւելութեամբ յերեւելի և յաներևոյթ որոգայթից թշնամեաց՝ կարող լիցուք զակրնկալեալն ի նմանէ քաղիլ տակաւ առ տակաւ զբազմաբեղուն հունձս ճշմարիտ կրթութեան և դաստիարակութեան Ազգիս առ յապագայն ի ջահս հաւատոյ, յուսոյ և սիրոյ, և Արարչին ամենեցուն մատուցուք զլիարերան գոհութիւն և զփառս յաւիտեանս յաւիտենից, ամէն: ։։

**ՀԱՄԵՌՕՏ**  
**ՀԻՄՆԱԿԱՆ ԵՐԱԳԻՐ**  
**ՃԵՄԱՐԱՆԻ Ս. ԷՋՄԻԱԾՆԻ.**

Ա. Նպատակ ձեռարանի Ս. Էջմիածնի է՝ պատրաստել զիւսակրօն եկեղեցականս բարեկիրթս եւ քաջամուտս եկեղեցական եւ Աստուածարանական